

Vedlegg

- Alkoholpolitiske retningslinjer for Nissedal kommune

- Oppsummering folkemøte

ALKOHOLPOLITISKE RETNINGSLINER FOR NISSEDAL KOMMUNE

Gjeldande frå 30.juni 2009 til 30.juni 2012

1. Målsetting:

1.1 Nissedal kommune sitt overordna mål med alkoholpolitiske retningslinjer er at sal og skjenking av alkoholhaldig drikk skal skje i ryddige og kontrollerte former i samsvar med Alkohollova si målsetting.

Målet er at dei alkoholpolitiske retningslinjene saman med ”*Rusmiddelpolitisk handlingsplan*” i størst mogeleg grad skal motverka dei samfunnsmessige og individuelle skader som alkoholbruk kan innebere.

2. Generelt om tildeling av sals- og skjenkeløyve

2.1 Kommunen kan dele inn i to hovudtypar løyve:

Salsløyve

Skjenkeløyve herunder:

- Alminneleg løyve
- Eingongsløyve
- Ambulerande løyve

Nissedal kommune vektlegg særskilt følgjande i vurdering av løyve – søknadar, jmf alkohollovas retningslinjer §1-7:

:

- Uttale frå sosialtenesta og politiet
- Lokale omsyn t.d. plassering i nærleiken av kyrkje, strand, barnehage, skule med vidare, vert vurderera.
- Trafikkale omsyn
- Ein kan innhente uttale frå skatte og avgiftsmynde
- At staden ikkje medverkar til å forstyrre offentleg ro og orden.
- At skjenkestaden er innreidd på ein slik måte at løyvehavar har gode vilkår for å halde kontroll over skjenkestaden
- Løyvesøkar sin vandel, i tråd med lova sine føringar
- Erfaringar med skjenkestaden vert vektlagd ved søknad om fornying av løyve eller ved overdraging av løyve.
- Næringspolitiske omsyn.

Nissedal kommune legg ikkje eit fast tal på sals- eller skjenkestader i kommunen.

3. Salsløyve:

3.1 Løyve for sal av alkoholhaldig drikk med høgst 4,7 volumprosent alkoholinnhald (gruppe 1), vert gjeve til daglegvareforretningar.

3.2 Salsløyvet kan søkjast utvida til også å gjelde innførsel av alkoholhaldig drikk med høgst 4,7 volumprosent alkoholinnhald for sal i eigen verksemd.

4. Skjenkeløyve:

4.1 Alminneleg skjenkeløyve for all alkoholhaldig drikk (gruppe 1,2 og 3) kan gjevast til hotell/gjestgjeveri, spiserestaurant, pub, diskotek/danserestaurant, gardsturisme og turistbåt. Kombinasjonshus kan søke løyve ved offentlege arrangement jamfør Opplæringslova § 9-5, 3.ledd ” *På grunnskolar og i kombinerte anlegg for skole og andre formål må det ikkje kunne serverast alkohol eller takast med alkohol til nyting under arrangement i offentleg som privat regi. I kombinerte anlegg for skole og andre formål kan det i særlege høve gjerast unntak når desse anlegga vert nytta til kulturelle og sosiale føremål utanom skoletida.*” Med dette gis det mogleghet for at det kan søkas om løyve til Fleirbrukshuset.

4.2 Alminneleg skjenkeløyve for alkoholhaldig drikk med alkoholinnhald lågare enn 22 volumprosent (gruppe 1 og 2) kan gjevast til vegkroer, kafeteriaer som klart skil seg ut frå gatekjøkken/hurtigmatrestaurant. Skjenkeløyvet kan utvidast til også å gjelde alkoholhaldig drikk med 22 volumprosent alkohol eller meir i lukka selskap. (gruppe 3)

4.3 Etablerte festivalar kan søke om alminneleg skjenkeløyve (gruppe 1 og 2) for eit begrensa tidsrom.

4.4 Ambulerande skjenkeløyve for all alkoholhaldig drikk kan gjevast for eit avgrensa tidsrom i lukka selskap. Med ambulerande løyve meiner ein løyve knytt til eit spesielt arrangement som bryllaup, jubileum, runde dagar osv. Ein må da ha eit engasjement utanfrå, t.d. der ein utanfrå verksemda inviterar til slutta lag. Dei som deltek må ha tilknytning til den som inviterer. Jmf kommentarar til § 4-5 i Alkohollova. Ein kan søkje for gruppe 1, 2 og 3.

4.5 Eit skjenkeløyve (ikkje ambulerande) kan utvidast til også å gjelde tilvirking/produksjon og/eller innførsel av alkoholhaldig drikk som ikkje er brennevin for skjenking i eigen verksemd.

Vilkår for tilvirking av alkoholhaldig drikk er at dette inngår som ein del av verksemdas totale tilbod og karakter. Tilvirking kan berre skje i godkjend lokale. Kommunen skal underrettast kvar gong produksjon setjast i gang.

4.6 Kommunen kan også gje enkeltløyve for ein viss periode eller for eit einskild høve. Ein kan søkje for gruppe 1 og 2. Løyve må knyttas til ein bestemt hending. Det må gis særskilt løyve for kvart enkelt arrangement.

4.7 Eit skjenkeløyve er knytt til bestemte lokalar og/eller uteplassar med godkjend skjerming mot omgjevnadane.

4.8 Kommunen vil før tildeling av løyve vurdere plassering, innreiing, konsept, meny m.m.

5. Sals- og skjenketider:

5.1 Sal av alkoholhaldig drikk med høgst 4,7 volumprosent alkoholinnhald kan skje i tidsrommet:

Måndag – fredag, inklusiv dagen før Kristi Himmelfartsdag:	kl. 08.00 – 20.00.
Laurdag/dagar før heilag dagar:	kl. 08.00 – 18.00.

5.2 Skjenking av alkoholhaldig drikk med alkoholinnhald lågare enn 22 volumprosent kan skje i tidsrommet:

I skjenkelokale	kl. 12.00 – 02.00.
I skjenkelokale ved lukka selskap:	kl. 12.00 – 02.00.
Ved uteskjenking kvardag og sundag	kl. 12.00 – 00.00.
Ved uteskjenking fredag/laurdag og dag før heilagdag:	kl. 12.00 – 02.00.
Fleirbrukshuset i Treungen	kl. 12.00 – 00.00.

5.3 Skjenking av alkoholhaldig drikk med 22 volumprosent alkohol eller meir kan skje i tidsrommet:

I skjenkelokale:	kl. 15.00 – 02.00.
I skjenkelokale ved lukka selskap/ambulerande løyve:	kl. 15.00 – 02.00.
Ved uteskjenking kvardag og sundag	kl. 15.00 – 00.00.
Ved uteskjenking fredag/laurdag og dag før heilagdag:	kl. 15.00 – 02.00.

5.4 Maksimal opningstid for skjenkestaden er lik skjenketida med tillegg av avviklingstid på 30 minuttar.

Elles gjeld alminnelege lover og føresegner for sal og skjenking.

6. Tildeling og inndraging av løyve:

6.1 Rådmannen har fullmakt til avgjerd i alle løyvesaker.

6.2 Saksbehandlingstid vert påberekna til 3 veker.

6.3 Løyve kan tildelast for inntil 4 år, når det ikkje er tale om ambulerande løyve. Alle løyver opphøyrar seinast 30. juni i året etter at nytt kommunestyre tiltrer.

6.4 Inndraging av løyve kan skje i samsvar med § 1-8 i Alkoholova. Inndraging skjer for minst 6 månader.

7. Vilkår:

7.1 For alle sals- og skjenkeløyver i Nissedal kommune gjeld fylgjande vilkår:

- § Løyvehavarane skal uoppfordra for kvart år sende inn oppgåve over omsetjing innan 15.februar året etter. Dette gjeld dei som har fast løyve og dei som har enkeltløyve.
- § Løyvehavarane v/styrar og stedfortredar pliktar å møte på eit årleg møte med kommunen for utveksling av erfaringar, gjennomgang av aktuelle sider ved lovverket, ordensmessige problem mv.

§ Internkontrollrutinar skal føreligge skriftleg. Frå kommunen si side blir det lagt vekt på kartlegging av risikotilhøve, rutinar for opplæring av nyttilsette, rutinar for å hindre sal/skjenking til mindreårige og rutinar for vakthald.

7.2 Særskilde vilkår for løyvet kan fastsetjast for den einskilde sals- eller skjenkestad.

7.3 Manglande oppfyljing av vilkår kan føre til inndraging av løyvet.

8. Gebyr:

8.1 **Salsløyve:** Årleg gebyr for sal og skjenking av alkoholhaldig drikk vert fastsett jf.

Forskrift om omsetjing av alkoholhaldig drikk § 6-2 på grunnlag av siste års omsetjingsoppgåve frå løyvehavarane. Uavhengig av omsetjingas storleik så skal det betalas eit gebyr jf. Forskrift om omsetjing av alkoholhaldig drikk § 6-2 for tida på 1200 kroner.

Fast skjenkeløyve: Årleg gebyr for sal og skjenking av alkoholhaldig drikk vert fastsett jmf. Forskrift om omsetjing av alkoholhaldig drikk § 6-2 på grunnlag av siste års omsetjingsoppgåve frå løyvehavarane. Uavhengig av omsetjingas storleik skal det betalas eit minstegebyr jf. Forskrift om omsetjing av alkoholhaldig drikk § 6-2 for tida på 3500 kr for skjenking.

Enkelt løyve: Jf. Forskrift om omsetjing av alkoholhaldig drikk § 6-2 for tida eit gebyr på 3500 kroner. Vert løyve - gebyr for omsett skjenkt vareliter større en eingongsgebyret vert ein etterfakturert det overstigande beløpet jmf. Forskrift om omsetjing av alkoholhaldig drikk § 6 – 2

Ambulerande løyve: 250 kr pr gong

For søkerar på enkelt løyve eller ambulerande løyve til gruppe 3 som har eksisterande løyve, gjeld eit gebyr på 500 kr.

8.2 Gebyr skal dekke kontrolltiltak.

Gebyr som ikkje vert nytta til kontrolltiltak, går til førebyggjande tiltak.

9. Kontroll:

9.1 Rådmannen avgjer korleis alkoholkontrollen skal utførast.

9.2 Kunnskapsprøve i Alkohollova kan tas ved å henvende seg til kommunehuset.

10. Rullering:

10.1 Alkoholpolitiske retningsliner for Nissedal kommune evaluerast og rullerast fortløpande og min. ein gong i kvar kommunestyreperiode.

10.2 Sakshandsamar vurderar fortløpande bruken av enkeltløyve i gruppe 3. Vert det misbruk av enkeltløyve skal det vurderas om ordninga må endras.

Vedlegg 2

Oppsummering frå folkemøte

Me inviterte skjenkeløyveveinnehaverar, frivillige lag/organisasjonar, politikarar og elles resten av befolkninga i Nissdal kommune. Her er nokre av hovudpunkta som kom ut av dette møte:

Alkoholfrie soner, kvar og når kan ein nyte alkohol:

Det var delte meiningar om det skulle kunne nyttas alkohol i Fleirbrukshuset eller ikkje. Meiningane gjekk på eit totalt forbod eller tillat i slutta lag. Det bør ikkje nyttast alkohol på arrangement som er berekna på born og unge. Ein kan nyte alkohol der det er 18 års aldersgrense og der det er naturleg saman med matsservering.

Grensesetting:

Det er viktig at foreldre er dei som set grensene. Ein skal være tydelege vaksne. Kommunen kan ikkje bestemme korleis kvar einskild familie skal ha det, men kan understreke ansvaret ein har som foreldre. I klassene kan ein ha møte der foreldra legg felles strategi for grensesetting, viktig å starte tidleg, ikkje når borna er 13-14 år. Viktig med opplysning i forhold til rus og skader av rus. Både i forhold til korleis foreldres rusbruk påverkar og korleis rus kan skade elles. Foreldre bør drikke med måtehald i heimen viss dei skal drikke noko. Kommunen kan være pådriverar og støttespelerar for frivillige lag og organisasjonar, kan hjelpe til med tilrettelegging både for organisert og uorganisert aktivitet. Borna/ungdommane bør være aktive deltagerar.

Det er viktig at foreldre arbeider mot aleineheime – festar. Mange meiner det skal være null – toleranse for at ungane skal få servert alkohol i heimen. Foreldre bør delta aktivt som natteramnar under for eksempel festivalen.

Treng vi spritservering i Nissedal kommune:

Det var delte meiningar om det skal serveras brennevin i kommunen eller ikkje. JA sida meinte at me kan ikkje melde oss ut av samfunnet. Viktig for turismen. Ha god kontroll med løyve som er lett å miste. Det kan være eit tilbod til dei vaksne på ei tid der born ikkje er til stades. Ein kan også bli like berusa på øl/vin. Ein kan ha det i slutta lag/ambulerande løyve. Nokon ynskjer tidsbegrensning på ein ev. brennevinsservering medan somme ynskjer ikkje dette. Nokon meiner det er betre å ha fast løyve for brennevin enn at det er ambulerande løyve. Viktig med valfridom.

NEI sida meinte det var unødvendig i næringsøyemed og at kommunen har alt for lite befolkningsgrunnlag for dette. Ein treng ikkje faste løyve for sprit. Me har det bra nok utan. Tilgjengeligheten aukar bruken, dvs at ein har alt å vinne på å være restriktive.